

延祐四明志

卷二十

元 袁桷 撰

集古攷

詩

歸四明詩

胡幽貞

海色連四明扁舟去容易天籟豈轍問不是卑朝士

憶四明象山泉

施肩吾

延祐四明志

卷十

一

愛彼山中石泉水幽聲夜落虛窗裏至今憶得卧雲時
猶自涓涓在人耳

寄四明山子

高樓只在千峯裏塵世望君那得知長憶去年風雨夜
向君窗下聽猿時

同諸隱者夜登四明山

半夜尋幽上四明手攀松桂觸雲行相呼已到無人境
何處玉簫吹一聲

宿四明山

黎洲老人命余宿杳然高頂浮雲平下視不知幾千仞
欲曉不曉天難蔽

游太平山

孔稚珪

石險天貌分林交日容闕陰澗落春榮寒巖留夏雪

戲贈育王虛白老

王安石

白雲山頂病禪師昔日公卿各贈詩行盡四方年八十
却歸荒寺有誰知

延祐四明志

卷二

二

觀明州圖

明州城郭畫中傳尚記西亭一艤船投老心情非復昔
當時山水故依然

游天童溪上

溪水清漣樹老蒼行穿溪樹踏春陽溪深樹密無人處
惟有幽花度中香

鄞縣西亭

收功無路去無田竊食窮城度兩年更作世間兒女態

亂栽花竹養風烟

寄育王大覺禪師

山木悲鳴水怒流
百蟲專夜思高秋
道人方丈應無夢
想復長吟擬慧休

別鄞女

年登三十已衰翁
滿眼離傷祇自攻
今夜扁舟來訣汝
死生從此各西東

題寶岩寺寒碧亭

延祐四明志

卷十

三

兩岸青山刻峭成一溪
回曲篆紋平綠陰隱隱無重數
欲去黃鸝又一聲

又

風吹洞口雲水動
山頭月野老時問人
前村多少雪

送竇公持鄞江尉

范仲淹

片帆飛去若輕鴻
一霎春潮過浙東
王謝江山久蕭索
子真今為起清風

送丁司理赴明州

仙家枝葉令威孫南去司刑庇越民金闕道書微旨
在獄多陰德是真人道書謂升真者皆須曾為獄官

送湛公歸四明講席

滿面東風指四明山長水曲不勝清自言此去雲林下
誰講華嚴報太平

遊翠巖山

舒 亶

桃源深處一招提門對寒雲路遠溪長使千峯光景動
未應洞裏老金雞

延祐四明志

卷下

四

遊大梅護聖

萬壑聲中柏子煙高僧日日看雲眠當年象虎今何在
千古寒堂一鐵鞭

仙去人間地轉靈蛟龍合處谷風生誰知雲霧千峯頂
長作青天霹靂聲

流水山間無盡時登臨到處與心期世人只愛桃源好
梅熟山間怎得知

雞犬同時亦上昇赤霄今日幾人行我來正唱昇平曲

不用山間變姓名

游灌頂三首

十里曾開一嘯聲當年猿鶴想猶驚
白雲不礙青天路
贏得重來擺手行

萬松偃蹇挿雲根四面諸峰盡子孫
日日飛烟雲霧歛
不妨掌上看乾坤

雪頂胡僧眼覩天只因風月是生緣
那知坐作人間雨
千丈巖頭一道泉

延祐四明志

卷五

五

歸郡書金峨二首

叱咤滄溟雪浪空鯨鯢騎去杳無蹤
鍊丹井畔春蕭索
知在蓬萊第幾重

又入西湖醉過春嶺頭猿鶴幾時聞
無端雨意催人去
直恐衣巾盡是雲

令珠林

萬箇松杉一顆珠老僧心手最工夫
吟光長在千峰頂
誰人道間夜月孤

題天王院內鑑堂

等是人間出世人數他珍寶信非真茫茫白白誰回首
此處元無一點塵

福勝院

蒼巖赤壁聳崎嶇長者何年為布金却憶樵風生乳竇
萬松回合兩龍吟

湖心寺偶書

吹落清香縹緲風樓臺彷彿水邊紅人間誰是丹青手

延祐四明志

卷下

六

畫取春湖細雨中

題寶林院瓊閣黎房

山農未用踏溝車一穴靈泉蔭萬家香積從今飽檀施
會看講夜落天花

題法喜院是院一瓦一木皆自能師手而師丈
室惟布衾木枕無復長物即之坐龐眉皓頂泊
似不能言者無乃真有道者邪

抱山重屋兩迴廊杉檜如雲百尺長香火他年推第一

老師辛苦頂如霜

了無情解作板緣一鉢三衣只几然坐對青山不知老
學人休問祖師禪

太白峯

千峯下視盡兒孫仙事寥寥不可聞長作人間三月雨
請看膚寸嶺頭雲

太白庵

何年錫杖此徘徊天上真君為我來芝圃鶴歸香火冷

延祐四明志

卷三

七

石臺空鎖舊莓苔

玲瓏岩

詭形迥與萬山殊空洞由來一物無直恐虛心自天意
人間穿鑿枉工夫

響石

淵明休弄沒絃琴混沌中含太古音聞說幾回風雨夜
四山彈作老龍吟

龍池

虛蹤聊寄數峯雲
雨意含雲白晝昏
不用高僧時咒鉢
一泓長貯萬家村

虎跑泉

一嘯風從空谷生
直教平地作滄溟
靈山不與江心比
誰會茶仙補水經

佛迹

蒼崖絕壁印苔痕
陳跡千年尚似新
杖履紛紛走南北
幾人不是刻舟人

延祐四明志

卷十

八

臨雲閣

高僧終日笑憑欄
亦似無心懶上山
幾度海風吹雨散
坐看綵翠落人間

春樂軒

隔水岩花紅淺深
花邊相對語幽禽
管教不到山間耳
誰會憑欄此日心

題宿鷺亭

雲過千溪月上時
雪蘆霜葦冷相依
正緣野性如僧癖

肯為游魚下釣磯

次韻昌國文饒

陳 瓘

百川衮衮到來休此是人間第一流
鯨鬣為君駭翻浪
蘭臺空自滿汀洲

海邦湫湫知何在風入高帆頃刻歌
過何以一尊湖酒上
月明安穩照寒波

文饒自京師還欲往昌國而風作不可渡絕句
戲之

延祐四明志

卷五

九

欲衝高浪却沉吟酒近瀛州懶得斟
莫道狂風無好意
為君吹過遠歸心

對酒憶賀監并序

李 白

太子賓客公于長安紫極宮一見余呼余為
謫仙人因解金龜換酒為樂歿後對酒悵然
有懷而作是詩

四明有狂客風流賀季真長安一相見呼我謫仙人
昔
好杯中物翻為松下塵金魚換酒處却憶淚沾巾

狂客歸四明山陰道士迎勅賜鏡湖水為君臺沼榮人
亡餘故宅空有花荷生念此杳如夢凄然傷我情

衆樂亭

王安石

使君幕府開東部名高海曲人知慕艤船談笑政即成
洗滌山川真佳趣平泉浩浩銀河注想見明皇弄机杼
載沙築成天上路投虹為橋取孤嶼掃除荆棘水中央
碧瓦朱甍隨指顧春風滿城金板舫來看置酒新亭上
百女吹笙綵鳳悲一夫伐鼓靈鼉壯安期羨門相與遊

延祐四明志

卷十

十

方丈蓬萊不更求酒酣忽跨鯨魚去陳迹空令此地留

悼四明杜醇

杜生四五十孝友稱鄉里隱約不外求耕桑有妻子藜
杖牧雞豚筠筒釣魴鯉歲時沽酒歸亦不乏甘旨天涯
一杯飯夙昔相逢喜談辭足詩書篇詠又清泚都城問
越客安否常在耳日月未渠央如何棄予死古風久凋
零好學少為已悲哉四明山此士今已矣

憶鄞縣東吳太白山水

孤城回首距幾何憶得好處長經過最思東山春樹靄
更憶東湖秋水波三年飄忽如夢寐萬事感激徒悲歌
應須飲酒不復道今夜江頭明月多

書會別亭

西城路居人送客西歸處年年借問去何時今日扁舟
從此去春風吹花落高枝飛來飛去不自知路上行人
亦如此應有重來此處時

寄育王山長老常垣

延祐四明志

卷三

七

道人少賈海上遊海舶破散身波浮抱經滿篋人所寄
吹簫偶得還中州羸身歸來不受振柂取斗酒相獻酬歡娛慈
母終世脫棄妻子藏崑幽蒼烟寥寥池水漫白玉齒齒吹高秋夜燃
栢子煮山藥憶此東望無時休塞垣春枯積雪留沙磧感怒黃雲
愁五更匹馬隨雁起想見郊郭花木稠百年誇奪終一邱世間
滿眼真悠悠寄聲萬里心繆綢繆莫道異趣無相求

送豐稷

曾子固

桃花染破南山青漢江此時春水生客舟相遇入夜起

桃花染破南山青漢江此時春水生客舟相遇人夜起
勁橈亂江羣雁聲知君飄泊動歸思告我舉裝千里行
閱林壯思風雨發綠鬢少年冰雪清讀書一見若經誦
下筆千言能立成精微自得有天質操行秀出存鄉評
嗟徒薄祿困流滯能誘鄙俗銷紛爭絃歌躬勸士強學
田里堵安人力耕嗟予據按但畫諾遇事緒手方蒙成
雖知璞玉難強獻欲挂塵榻空含情歲寒不變迺知確
物理先否終當停維舟且盡今日語明日帆隨白鳥輕

延祐四明志

卷十

三

和馬粹老修廣德湖

舒 亶

古作重慮始功利故能永未俗分錐刃往往附光影此
幾百餘歲興廢屢動靜七鄉十萬家利害寄俄頃講
好惡曹睦亂睦池黽使君武陵孫明潔水中苻坐嘯黃
堂春獨得意意外景登臨莽蕪沒沒蕪沒歎息民不幸一
光蕩漾出荒梗黍禾雜菰魚狼籍被他境人指白鶴祠
慙慙竊有請衣冠儼郡公一一畫真鯁斯人豈足作庶
用薦遺秉公乎且勿去何以慰鄉井願屬丹青手千載

共觀省

題它山善政侯兼簡鄞令

嗚呼王封君心事鬼出沒驅山載長江化作雲水窟旱
火六月天萬棟掛龍骨蕭條一祠宇像設何髣髴破屋
夜見星漏雨衫濕笏杯酒謝車算茲事恐亦忽我聞古
先王報施必稱物矧今崇佛宮民力殆欲屈無豈制作
手一為起荒蕪李侯仁賢資撫字良矻矻可但清似水
方看健如鶻沉跡千載後行且見披拂陰功世易忘遠

延祐四明志

卷下

三

慮俗多弗勉哉君母遲斯民久已鬱

題放生池

南州幾萬家舟楫江湖上罾羅竭魚鼈旁饜口腹養可
年長者子于此事脫放藻荇被清流春風不驚浪直釣
亦何心明珠豈所望落日倚朱欄無言獨惆悵

題水月橋

長空瑩如磨平湖淨無滓萬里夜寥寥清光墮寒水松
風吹更圓沙鳥睡不起徒勞野猿捕謾作玄珠比相對

倚朱欄時有逍遙子

遊翠岩六首

繆悠此投閑邂逅如得請終日對林僧是樂非世界千
秋紙上塵萬事空中影既往悔可追無能味何永仍幸
甘露音時時灌吾頂

翠岩老禪和欲退未容請聊許隱堂人先占廣軒境高
松有寒清孤雲無定影草煖幽澗香鳥啼清晝永一笑
碧雲傍未羨匡廬頂

延祐四明志

卷十

十四

聊謝都城遊來赴道人請冥懷麋鹿羣回首冠蓋境深
瀉石泉聲蕭森松檜影風帽何妨頽藜徑敢亂永還聞
鐘磬音為我下雲頂

先生盍言歸小子願有請由來陶淵明結廬在人境閑
抱無弦琴靜弄南窗影勝事幾人知高風千載永何當
理籃輿步月下孤頂

願聞海潮音幾煩檀月請有物還有機無心即無境何
當雪衲身童現水月影高卧與世疎孤坐共夜永時時

桂西窗溪光照霜頂

欣聞厭冥煩頗亦謝造請孤騫出塵埃勝踐得真境萬
籟發靜音千巖度空影無味道終憐有役慮真永會當
立苑茨望子蒼岑頂

再遊天童山回吳與權諸友夜集

舒 亶

太白嶺岩幾百尺仙人一去無消息臨雲時復倚欄干
獨看千峯萬峯碧昨夜長鬚城裏回報道湖上秋風來

延祐四明志

卷五

五

醉園雨過月臺冷籬根白菊看看聞却杖青藜趁流水
目送征鴻下山嘴蓬舡荅浪遠叢蘆咫尺烟汀幾萬里
忽見江頭江月白紛紛笑語城東陌一尊此酒一枰碁
未到懶堂猶是客

遊承天望廣德湖

桃源二月春風起是處穠華有桃李調笑聞聲不見人
遊人只在華山裏華山逋客來何遲隱隱茶林隔烟水
滿眼相思寄碧雲獨立城南望山嘴

送韋太守

四明山水東南表海黿背上三仙島麗譙高逼斗牛寒
一曲梅花萬家曉太守文章建安骨爽氣冷侵寒月窟
玉堂水洗火符空明光却擁荷囊笏有客醉園雙鬢光
宦情文思如秋草紫雲夢斷玉龍飛年年送客西城道
曾是野亭同問柳綺裘紗帽金船酒長安宮闕九天邊
肯為江籬回首否

粹老使君前被召約往它山謁善政侯祠既不

延祐四明志

卷三

六

果以書見抵謂可嘆惜并示廣德湖新記因成
長句奉記

長江衮衮西南流秋水時至狂不收大浪似屋山欲浮
王侯神智禹所啾萬鬼琢玉它山幽梅梁鼎廩卧龍蚪
咄嗟湍駭就斂孳巨靈縮手愚公差障成十里沙中州
支分股引聽所求赤旱稽浸民不憂那得螽蝗隨督郵
汙邪甌窶滿車篝斯民飽煖何以醕廟貌突兀寒溪頭
歲歲雞黍祠春秋老農擊鼓稚子謳當時人物紛雁鷗

無鼎食腰金儔朽骨往往空蒿邱姓名幾復人間留唯
侯施惠膏如油江聲浩浩風颼颼千古不見使人愁拔
萬丈山標峭使君不減裴高州下車百蠹隨鋤耨一笑
四境無瘡疔天閑老步須華驕已聞歸作金華遊欽賢
訪古意未休畫船載酒岸鳴鶻約我與往置舖饅冠蓋
紛紛暇莫偷搔首悵望清綢繆我問使君亦何尤西湖
萬卯蛟龍湫幾年荒蕪今則修鼙鼓弗勝財不培長提
岌嶪高岑樓寫有漕兮蕩有溝餘波北注引澧州桑麻

延祐四明志

卷

七

被野木連疇鶴鶴白鳥雜游鯨菰蒲菱芡厭採搜柳楊
成幄蔭道周耕漁呼歌羸病瘳使君之賜侯可侔天邊
旌旆看悠悠父老雪涕爭攀輶地僻借恂恨無由高文
摘秀春華抽豐碑萃律鏡銀鈎千年空此留海陬君知
此日思君不還如今日人思侯

登育王明月堂

引月貯虛堂堂高附南極我當盛暑來萬象生秋色堂
豈朝朝新月亦有時食一寸生禪心萬古不磨得

同舍弟泛舟西湖堂畫錦堂步至紫翠亭望懶
堂景物懷故龍圖舒先生
王庭秀

城中十頃湖雲水相演漾春風破冰谷拍岸新流漲平
鋪鴨頭綠澹池蒲萄釀朱薨媚孤嶼梵宇麗相向萬瓦
生清暉千花聯錦帳晨曦照炯炯芳氣浮泱泱日暮姿
態妍煙霞渺空曠誰將水仙境聊借詩人仗卧護五年
城追懷老詩將微吟示清野塵戰得閑放變化無端倪
虛無落名狀坐今湖上景勝絕神宇王當時經行地藻

延祐四明志

拳

六

麗隨履杖斯人今則亡物色亦摧喪他年牛馬走曾拜
丈人行塵埃久飄泊歲月成漫浪問訊懶堂君松竹忻
無恙尚意壁間聲特賡朱絲唱撫事重興嗟陳迹徒悵
望哦公十洲詩風月為愴愴

遊香山佛跡

周 錫

靈山名達蓬香水靄蒼苔龍祇久覆護雲物翳深谷拂
衣何叔中神斧斷蒼玉至哉天人尊靈跡印金粟頗聞
開士識飛錫隱岩麓坐令湖海間香供走川陸巍巍處

報地色相儼金屋緬想舊巾瓶猶能慰心目
藍輿訪蓮社一笑欣白足撫事動幽尋
疇能念榮辱松爐裊知見餘力付碁局
更覺夢中身修然百無欲

書隱潭

邨修輔

在昔知何人鑿破青山骨飛泉直下來
千尺瀉倏忽兩壁蒼翠閑一陣風雷
突傍無塵埃蹤中有蛟龍窟寒氣不可
嚮猛勢豈能屈安得當年為霖濟羣物

題東寺松石小軒呈同遊閔彥長明府

延祐四明志

卷三

九

盛次仲

一松偃蹇蒼龍盤一石嶄巖怒虎踞
漫來題作龍來軒便恐風雲捲將去

送賀監歸四明應制

李白

又辭榮祿遂初衣曾向長生說息機
真訣自從茅氏得恩波寧阻洞庭歸
瑤臺含霧星辰滿仙嶠浮空島嶼微
借問欲棲珠樹鶴何年却向帝城飛

衆樂亭

衆樂亭居南湖之中南湖又居城之中望之真
方丈瀛洲焉以其近而易至四時勝賞得以
與民共之游民之游者環觀無窮而終日不
厭孟子曰獨樂與衆樂孰樂不若與衆衆樂
之名于是乎書既又為詩以記真景萬一云
誰把江湖付此翁江湖更在廣城中葺成世界三千景
占得鵬天九萬風宴豆四時諠畫鼓游人兩岸跨長虹
他年若數東南勝須作蓬邱第一宮

延祐四明志

卷三

三

勢壓平湖四面佳好風明月是生涯鯨鯢背上浮三島
菡萏香中放兩衙屏列已疑雲母淨簾垂不朽待水精奢
此心會笑元丞相終日棲臺為一家

同前

司馬光

橋橫通廢島華宇出荒榛風月逢知己湖山得主人使
君如獨樂衆庶必深頰何以知家給塗歌滿水濱

同前

邵必

梅邊民物鮮歡娛太守經營與衆俱園圃新陰多杞柳

池塘生意足魚蒲長空不礙高飛鷓淺水兼容短脰鳧
此樂有誰知我趣歸來紅旆日西晡
城外千帆海舶風城中居市若憧憧幾生佳景為民老
一日賢侯與我同道上槐陰連帶翠水邊人面照花紅
寄言樂有時還盡徒見甘棠憶召公

同前

賢侯新葺水雲鄉虛閣崢嶸綠渺茫波面長橋步明月
人家疎影帶殘陽風中白鳥侵烟去雨後紅蕖擁袖香

延祐四明志

卷十

三

從此郡圖添故事歲時遺愛似甘棠
烟波空濶岸低回草綠花紅處處堆一片湖光分島淑
四邊山色入樓臺從來未有吾民樂此地欣逢刺史來
目斷鄞江何日到京師只得畫圖開

同前

陳汝義

聞說湖亭又一新不徒行樂樂斯民水光剌占鷓鷯地
天意常同桃李春試展画图清俗眼况專閑席傲天真
使君已陟螭頭貴應為烟雲入夢頻

遙思湖上自由春醉踏吟看屬使君水底天光開靜鑑
岸頭花氣遞紅雲島浮虛檻橋接風翼時鐘寺寺開
漬墨新名人會否不將民樂廢民勤

同前

張伯玉

句章太守錢君倚湖上新為衆樂亭花木豈徒遊子愛
笙歌長與郡人聽坐來高韻天風起飲罷餘香夕雨零
安得凭欄縱吟筆玉觴遙公數峯青

同前

陳舜俞

延祐四明志

卷十

三

湖光野色着人衣衆樂開亭此處宜擊擢皓歌山自響
踏青紅影岸相隨消除增嫩容鷗鳥改換風烟入柳絲
苻菜藕花應見憶短篷孤榜獨來時

同前

張望之

是水為佳境中城浸碧湖樓臺萬室近物幾幾州無太
守恩千里新亭望一都地勞吾卜築景與衆游娛字色
低欄外波光只屋隅鴛鴦宜綉幙翡翠失深蘆九夏荷
開簞三秋芰洗盃山林何處異江海此情孤夜氣寒蟾

媚晴暉落日殊畫橋斜映柳細草亂紫蒲漁棹開浮藻
風簾散戲鳧僧野留曠蕩行子過踟躕逸興攀銀漢明
眸湛玉壺圖經終煥越歌永已流吳壯觀嘉時叙招來
好酒徒樂僮僂好伎唱女桀名妹閉戶誰能事宜人正
丈夫樂邦方俗美鼓舞荷唐虞

同前

胡宗愈

平湖拍岸海潮通亭在平湖杳靄中花艷含春雲島晚
波光照夜玉壺空動搖人影兩橋月洗滌塵襟四面風

延祐四明志

卷十

三

野老半酣亭下笑漁樵今日與民同

華蕪十頃綠含煙興事興衰已百年島樹謾隨民意樂

溪山應喜主人賢點粧野趣灘邊鷺髻髮妖容水上蓮
日日流風轉謠俗棹歌常在釣魚船

三江亭

潘良貴

假守衰頽病日侵湖山雖好倦追尋登城忽覩三江水
快我平生萬里心聊築小亭怡父老敢承佳句桀珠金
春濤正待諸君賞更拂詩碑春醉吟

和

安仁不放二毛侵
爽氣凌空玉萬尋
談笑薄施三昧手
登臨誰會五湖心
倦游方戢冲天翼
高賦難賡擲地金
怪得朝雲飛畫棟
夜來曾聽老龍吟

蔣璿

和

詞源倒峽勢奔侵
綆短那容汲萬侵
望屬滄溟驚鶴唳
志存流水識槩心
揮毫句句囊盛錦
拜賜人人袖有金
不日都俞在廊廟
又聽虎嘯應龍吟

顧文

延祐四明志

卷三

五

和

潘郎未覺鬢霜侵
佳致乘閒得得尋
古岸渺茫分遠渡
飛甍虛敞快人心
融樽想見頻顏玉
李諾由來雅勝金
野老固慙東閣客
何妨同作醉翁吟

王珩

和

危亭聳觀與雲侵
勝概何勞杖履尋
回合江山貞有意
從來鷗鷺本無心
歡聲洋溢均千里
好句清新抵萬金
四海倚需經濟手
豈容長對白頭吟

汪思溫

和

薛明龜

爽氣寒光四壁侵
青山千仞水千尋
遠觀吾里瀛洲路
悵望誰人魏闕心
春到已多鳴珮玉
酒酣應有解貂金
紫微太子經營老^巧
消得時賢次第吟

和

王伯庠

使君不愛二毛侵
杖履逍遙得勝尋
撥遣簿書聊日永
登臨山水一何心
殘梅墜雪垂垂白
弱柳搖風淡淡金
倚屬大江供一笑
幾多襦袴在謳吟

延祐回明志

卷

五

和

鄭若谷

望遠登花萬象侵
元戎端不為花尋
未誇駕鶴蓬山路
應壯斬鯨遼海心
小艇鱸肥盤鱠玉
危欄客醉椀揮金
中流擊楫雄圖遠
回笑三閭澤畔吟

和

陳晉錫

神襟百慮不容侵
勝概乘閒偶訪尋
跌坐豈無觀水術
臨流應有濟川心
斂將蓬島溶溶氣
散作陽春字字金
郢曲調高人和寡
微生何敢綴雄吟

和

陳棲筠

紅塵一點不相侵
下瞰澄江幾萬尋
地接海潮分鼎足
簷飛鳳翼峙天心
三山有路雲收幕
午夜無風月湧金
欲識龔黃報新滿
政城爭唱使君吟

次韻明州戶部游蔣園

王 亘

採蓮橋下路
皂蓋拂雲來
塵壓隨軒雨
風生避暑臺
酒緣佳客盡
花為使君開
憂患西溪舊
常陪樽俎相忘此

日杯

延祐四明志

卷下

三

又次韻登靈橋門晚望

王 亘

恩波和氣雨溶溶
萬戶樓臺紫翠中
渡水虹霓輕縹緲
隔河牛女淡朦朧
真仙路指三山近
粒食人歌四輔豐
旌旆欲歸歸未得
滿船風月載漁翁

謝太守劉吏部示西湖圖用豐侍郎韻

四明太守愛西湖
想像桃源舊日圖
不放塵埃生水面
為傳風月到皇都
花開別嶼千機錦
稻熟隣田萬斛珠
聞說兒童騎竹馬
至今昂首望通衢

和郡守彭吏部按視湖亭其一 周 錡

使君風味壓荊州每為吾民樂更憂錦里篇章推唱首
浣溪光景促遨頭行春預約花歌帽把酒方欣雪點裘
嶽吏年來慙吏隱板輿時得從公遊

其二

雙虹倒影上簷極碧水澄空一鏡明野草閑花無限趨
短蓑幽榜不勝情已知風月隨人意聊為湖山載酒行
却許錦囊賡夢草坐令詩興繞寰瀛

延祐四明志

卷

五

西湖三首

周 錡

曉鏡初開淑景明使君風味一般清舟從菡萏林中過
人在鯨鯢背上行妙舞屢翻紅藥燕清詞時轉紫薇鶯
賡歌久矣虛前席昔向樽前戀翅生

史君修禊與民遊千里笙歌水面浮動地雄風雲外起
截天雌霓雨中收登臺已有難并樂擊壤寧無寡和憂
却憶內家新賜火海棠無數出墻頭

牛鞭初動轉新鷺夢覺池塘選勝行水鏡光中千騎合

山屏影裏萬艘橫，雲從布穀原頭過。雨向催詩筆下生，
藻繪昇平知有待。閣梅先已賦，調羹

西谷

由桃源徑以西至應
貞絕頂共為西谷

王旦

平昔山林性，今來水石鄉。栽花尋秀壠，泛酒掬滄浪。地
暖春長早，雲陰夏自涼。歲成還北去，魂夢北難忘。

蓬萊泉

即煉丹山
透瓶泉

採藥瀛州去，扁舟竟不還。黃金成海外，故井獨人間。乳
滴岩花潤，苔封石字斑。空令千載後，猶復望三山。

延祐四明志

卷中

五

觀瀾亭

萬古淵源會，憑欄試一觀。雲濤誰可寄，勺水自為難。日
月間中永，乾坤物外寬。幽人休悵望，平地亦波瀾。

射圃

百步開新圃，彎弧注采正。樽壘供樂事，金鼓疊歡聲。敏
手徒為妙，中心自要平。何人能舉解，觀堵定縱橫。

送明州王大卿

王安石

大歷才臣有此州，昆雲今駕鹿轡游。從來所至邦人喜，

真復能分聖主憂千里封疆何足治一時名節故應留
屬城舊吏雖疲懶尚可揮毫敵李舟

寄育王大覺禪師

單已安那示入禪草堂難望故依然山今歲暮終岑寂
人更天寒最靜便隱蹟亦知甘自足憑心豈吝慰相憐
所聞不到荆門耳人老未新又一年

弔王致先生

處士生涯水一瓢行年七十尚蕭條老妻箱下收遺棄

延祐四明志

卷十

元

稚子松間拾墮樵雖有聲名高後世且無饘粥永今朝
窮魂散漫知何處甬水西東不可招

和馬粹老四明雜詩聊記里俗耳十首

舒 疊

百粵喧華外三江指顧中耕桑遺俗在草木故城空

節 即

也郭近澤知田美俗重近多魚驗海豐由來形勢地越絕

控遼東

澄水鋪千練平山伏萬犀月橋蓮棹小春圃酒旗低蓬

島雲長在邑有蓬島鄉古史云金桃源客不迷風流未

寂寞遊履半香泥

御史平囚日二囚詩在郡樓下郎中渡母年今謂渡母橋豐碑推筆

妙二碑皆名書孤塚枕城偏汝南孝子墓在焉白鶴空遠沉黃嵩尚

蔓延九原如可作執馭故州然

箔蠶迎豆熟俗有蠶谷江雪伴梅消抵虎螯經夏里語八句螯蟬可抵

虎跳沙蛤趁潮里語有跳沙蛤酒罌雙印貴俗重雙魚酒藥肆萬金

饒謂馮樓也未覺西風遠三溪好採樵慈溪小溪藍溪也

延祐四明志 卷十

巷陌隨橋曲閭閻占水窮郡樓孤嶺對古謂鎮明嶺市港兩

潮通開在城東隅春暖雞鳴嶼在慈溪秋寒鴨信風江湖所呼家家

人富足擊壤與吾同

歲熟未論棗俗以二末為一棗人歸夜擊鐘金澄沙底水龍卧

井邊峯金沙龍井皆在育王山香火常存社俗結金剛社漁鹽每奪

農年來嫌帛賤砧杵萬家春

稻飯雪翻白魚羹金鬥黃鮎崎千蚌熟在奉化花嶼一村

香在慈溪海近春蒸濕湖靈夜放光廣德湖每現光來北窗休寄

教大隱即吾鄉大隱山乃楊通先生所居

禽孝傳居俗禽孝鄉在奉化風癡動淡旬靈鰻旱天雨井即龍也聖

米歉年尊凶年尊根為聖米江漲長如海冬温恰似春雞豚追

伏臘行路亦情親

佛磬雲中寺樵歌郭裏湖城居蔭楊柳野寇息荏蒲正

語傳盃玳漁蓑入畫圖幽香滿花谷不趁雪霜枯

蓮閣紅堪掣瀾池靜不流池在府前梯航紛絕微冠蓋錯中

州高麗北貢入多使者草市朝朝合四郭皆有市沙城歲歲修邦人為郡城雜

延祐四明志卷下 三

以沙故易類雨前茶更好半屬買船收

題福源院 舒 亶

地占靈龜背山橫小嶼頭一橋雲借路雙沼月分秋竹影搖虛空松烟着晚樓殘鐘誰共聽空籟更颼颼

題尊教院

竹砌綠寒渚松溪籍綠苔樓臺隔林見花木帶雲開溪早常流水峰青自隱雷月華幾萬頃誰棹酒船來

香山野步二首

龍護空堂鉢雲籠古殿燈經窻僧待月茶井客敲冰驚
雁回峰影疎星亞塔層心清更無睡未羨杜郎能老杜宿贊

公房有燈影照無睡之句

空澗寒探月高齋客聚星霜分破窗白山歛隔簾青窺
水知僧定占雲識地靈時時驚鶴夢木葉下危亭

和遊棲真寺見寄

曾是設經一草堂千年金碧欲飛颺頂峰有路青天近
絕壑無塵赤日涼月底露驚猿鶴夢雲中風動薜蘿香

延祐四明志

卷十

三

芝筴茶竈平生念遙謝仙人白羽觴

和西湖卽席二首

金碧樓臺閣暮煙彩虹雙影卧漪漣雲鋪物外無塵地
月滿人間不夜天細柳千門維畫舸華燈兩岸度鳴絃
清狂亦有黃冠客不負仙人載酒船

十洲風籟韻笙簫疑有仙人燕碧桃影逼銀河星半墮
氣吞月窟兔爭豪九秋波浪沙鷗狎萬古声名釣艇高
却恨何須明似鏡空令志士泣霜毛

雨中遊仗錫

何人杖錫過千峯
雨裏風烟轉不窮
暗壑水聲清泱泱
深巖花氣濕濛濛
遙知雪嶺開亭近
舊說雲鄉有路通
自恨青鞋踏城郭
仙遊長在夢魂中

遊雲湖過香山偶成二首

去路騫騰逼紫霄
何年島鳥墮王喬
暗風峯藏雨皆龍窟
靈草含霜滿藥苗
已覺山衣雲樸樸
還疑風鬢雪瀟瀟
捫蘿更上峒堯頂
下視滄溟百水潮

延祐四明志

卷中

三

塵境回頭隔聖凡
參差疊嶂巧如鑿
歸雲墮碧粘僧履
落葉風紅上客衫
果熟遙看猿渡澗
風號定想虎離岩
長天自有無窮景
未信西崗日半喺

和劉誼翁留題惠安二首

鳩雲過雨翠成堆
天沒平湖一鑑開
萬木號風韻絲竹
千峯帶月上池臺
靜無俗駕金鋪地
閑有高人玉滿盃
聞道碧桃看欲發
劉郎何事不歸來

十里松行翠挿天
暗溪嫩草尚芊綿
笙歌自滿蕭郎宅

琴鶴空隨賀老船未分舊遊雲寂寞遙知歸夢蝶聯翩
故山幸好宜回首還見人間換一年

和新開西湖十洲之什

舒 亶

洗出烟華紫翠勻再將絕景付重闌千山有影螺垂地
一水無塵鏡照人香濺釣筒萍雨夜綠搖花塢柳風春
杖藜盡日滄浪興時有幽人岸白綸

秋燕十洲閣

舒 亶

綠玉手持尋五嶽正應未識海邊洲倚欄花木參差見

延祐回明志

卷十

三

對岸笙歌次第遊烟霽多疑九峯曉波平全勝六鼇浮
仙風坐隔紅塵路消得丹青訖此州

和樓試可遊育王

參天松栢綠陰陰古佛巖前一路深猿鳥不驚如有舊
雲山相對自無心數泓寒水雲藏雨十里輕沙地布金
杖履更知非世境上方日日海潮音

題鄞江

地吞越絕海分深湫湫平流萬馬駉早晚渡江潮有信

往來鷗鳥客無心寒空倒影千山動暖日澄波萬籟沉
安用魚龍閑養鬣平時春雨自成霖

題西山雙乳泉

石眼雙開白欲漫潺湲溪更傍碧琅玕地饒爽氣全無澤
天借靈源雨不乾曉日自分雲外潤午茶誰鬥雪中寒
孝先多睡相如渴試把清甘乞取看

題靈鰻廟三首

繞塔想曾隨白馬

老父云此龍為護塔神

蟠渥故復傍金沙旱天

延祐四明志

卷十

三

霹靂長平地樂歲污邪每滿車受賜由來千里鏡論封
消得萬人家朱門便是金塗榜未負風雲在一涯

絕境朱丹新棟宇深山靈響雜虬蛇黃金地底應千歲

古記云金千歲有龍

甘雨人間幾萬家西域不勞方士咒

西域方士能咒

者臨川禹步吹氣龍即浮出見抱朴子

南州重識使君車

後漢百里嵩為隨州刺史行部

兩輒隨車老農爭賽豐年社古木蕭蕭自曉鴉

亘古人間蒙潤澤數泓雲底貯清泠功將並水山無泐
道與人尊地轉靈曉殿千家供香火旱天萬里入風霆

誰知別有醍醐味
行路憧憧半未醒

題香山湯禪師

千古神僧舊石扃
清風如在地還靈
溪形偃月無窮碧
山氣當雲不改青
葉熟猿踪時嘯聚
錫飛岩穴尚芳馨
西來祖意誰人問
老栢森森翠滿庭

題蒙堂

由來去住不相關
贏得隨緣到處閒
笑出海雲飛一錫
行分江月過千山
微言定許誰人叩
勝事偏于俗士慳

延祐四明志

卷五

五

咫尺蒙堂隔霄壤
城東搔首只空還

題翠巖丈室

別移寶所出埃塵
無限金光欲照人
斤斧不驚龍象伏
棟梁特地水雲新
千峯坐斷人間路
一榻分來月裏身
更看須弥師子座
未饒摩詰妙通神

題月明堂

郢匠猶來巧運斤
清光那復隔纖塵
九秋萬里雲頭路
半夜清峯頂上人
坐見乾坤入肝膽
隨驚草木亦精神

應憐赤水尋珠客白日茫茫尚問津

題五峰兼簡英禪師

何人縮地海東偏靈嶽分來不計年幾見彩雲爭焰日
真疑仙掌欲擎天依稀故國松千尺迤邐前山石一拳
四面開軒看不足老僧時立碧溪前

題天童

日日青鞋踏白沙未應泛艇即靈槎雨溪清越鳴哀玉
風蔓蜿蜒動暗虵曉潤芝萑桃秀茁午香茶竈煮蒼芽

延祐四明志

卷下

三

玲瓏仙客知何在千古煙霞自一家

題布袋和尚

休話人間我獨尊何妨屢肆且隨羣乞錢往往多空手
問路時時多白雲壁上形容圖尚在囊中氣味許誰分
分明提起無人間欲會應須眼裏聞

題靈橋門

危樓清迥立江風紫邏紅旗落日中暑雨澗溪來浩蕩
暮烟洲渚隔朦朧歡聲不厭重城近霽色遙知秀野豐

滄海一時傳麗句，天才真是杜陵翁。

蘇文饒往昌國意頗憚之，送以詩因勉之。

陳瓘

已聞舟楫具，那得苦留君。雨過霜風急，帆飛雪浪分。
長途方策足，暇日正論文。功業他年事，風波豈足云。

送周初年

蠶鹽雖不飽，心與古人期。口體非吾養，紛華任爾為。
經明逢地芥，穎脫看囊錐。兩驥皆宛種，天衢好並馳。

延祐四明志

卷十

五

次韻表朝請陪太守遊湖心寺

塵鏡紛紛俗累增，故尋幽境訪南能。湖波浩渺無窮滌，
寺屋高低不計層。詩老新吟工惱客，使君餘暇得陪僧。
碁中得失何時了，一局輸贏未可憑。

予同彥老自四明之永嘉，中道留宿嶽林會法
昭海印二禪，伯夜話投曉登車，乃行留題。

盧天驥

病骨倦鞍馬，禪居欣少留。暮雲山盡路，孤磬月明樓。林

靜鈎輞曉風香罷亞秋重來坐磐石相對話歸休歎息
老禪伯蕭閒心自如買松栽別塢引水過新渠草色經
行外禽聲宴坐餘自慚隻客鬢垂老尚征車
報國竟無補敢辭山路遙晚寒生竹徑張新漲斷溪橋
奔走真逋客安閒媿老樵令人心欲折風雨夜瀟瀟

途中書懷寄奉化知縣

自帶淵明漉酒巾食鮭甘作庾郎貧雖無殘菊簪華髮
賴有青山似故人幾處鴉鳴牛背雨經年衣犯馬蹄塵

延祐四明志

卷下

元

待携神武朝衫去還我煙溪漱石身

犇馳漸覺歲崢嶸負郭蕪田未退耕正恐山溪吹岸去
任從煙草喚愁生別來竹院門長掩好去魚舟手自撐
漸晚歸心在何許夕陽低處伴雲橫

延祐四明志卷二十

